

جريدة حاكمية

١٢٩٠

28

صالحی

نومرو	صفر	سنه	كانون ثاني	سنه	صحيفة
٢٨	٨	١٢٩٧	٨	١٢٩٥	٢١٧

- اشو غزته بهر هفته صالحی کونلری چيقار . سنه لکی التمش غروش و بهر نسخده سی التمش پاره *
- مجیدیه اوله رق هر برده صایلمور . درج اولته حق اعلاناتک بهر سطرندن ایکی غروش النور . *
- سنه لکنه مشتری اولق استبانلر عدلیه نظارت جلیله سی اوراق مدیر لکنه مراجعت ایتملید *

(فی ٢ محرم سنه ٩٧ تاریخیه عدلیه نظارتندن)
 (باعموم ولایات مدعی عمومیلر یته یازیلان)
 (تحریرات عمومیه صورتیدر)
 تمغا نظامنامه سنک اون ایکنجی ماده سنده اوراق صحیحه نسبییه یازیلان پولچهلر و هر درلو بونو و امر تحویلاری و امانت سندلری و سایر اوراق تجاریه اوزرینه اوراق صحیحه نسبتده رسمی حاوی تمغا و پولی یا پشدیر بله جنی محرر و مسطور اولدیغی حالده اکثر اوراق عادیه اوزرینه یازیلان سندات و سایر یه یا پشدیر یلان پولارده درجات نظامیه سنک کوزدلمدیکی یعنی یازیلان سند مثلا یوز اون بیک غروشلی حاوی ایسه بوکا یوز بیکدن یوز الی بیکه قدر اولان اوراق صحیحه مثلا و تمش بش غروشلق پول یا پشدیر لاق ایجاب ایکن بیکده یکر می پاره نسبتده اوله رق یا لکن الی بش غروشلق پول یا پشدیر لاقه اکتفا اولدیغی خبر ویرلش و بو ایسه حکم نظامه منافی و اوراق صحیحه وارداتک تلف و ضیاعنی مؤدی اوله رق غیر جائز بولنش ایبوکنه

و نظامنامه مذکورک یکر می سکرنجی ماده سنده درجه نظامیه سنندن دون ورقه یه یازلمش و یا خود نسبتندن اکسک پول یا پشدیر لاش اولان سنداتک نقصانی تمقدار ایسه اکل ایتمدیر لکدن صکره جزای نقدیسی یا لکن نقصانی اوزرینه التمش جنی و یکر می ایکنجی ماده سنده دخی محاکم و مجالس رئیس و اعضا لردن و سایر حکومت مأمور لردن هر کیم اولور ایسه اولسون اشو نظامنامه حکمنجه التمش لازم کلان رسم و جزای نقدینک اوج مثلی کندوسنندن استیفا اولته جنی مرقم و مذکور اولوب بویله نسبت نظامیه سنندن دون پول یا پشدیر لاش اولان سندات و سایر سنک تمیز یله ایجاب نظامیه سنک بالاجرا حقوق خزینه جلیله نک و قایه سی محاکم و مجالس رؤسا و اعضا سنک دقتلرینه وابسته بولندیغنه مبنی بویابده یر قاندها اعتنا و دقتله او مقوله نقصان پول یا پشدیر لاش اوراق الی کچور لدیکی صورتده بر موجب حکم نظامه منافی و اوراق صحیحه وارداتک تلف

رسومات امانت جلیله سندن مبعوث تذکره اوزرینه
محاکمه تبلیغات اجرایی خصوصتک درسهادت
وولایات محاکم استینافیه والویه مستقله محاکم
ابتدایه سی مدعی عمومی و معاونت کربنه اشعاری
امور جزائیه مدیر لکنندن افاده واشبو تحریراتک نسخ
مطبوعه کافیه سی محکمه استینافیه ریاسته بالذات
ولوا وقضا بدایت محکمه لری رؤسائنه مدعی
عمومی معاون لری وساطتیه تبلیغ اولمقی اوزره لفا طرف
شریقلرینه فرستاده قلمش اولقله برهنوال محرر
ایقای مقتضای سیاقنده

(فی ۲۹ محرم سنه ۹۷ وفی ۳۱ کانون اول)
(سنه ۹۵ تاریخیه عدلیه نظارتندن بالعموم)
(ولایات مدعی عمومی لریینه یازیلان تحریرات)
(عمومی صورتیدر)

اصول محاکمه جزائیه قانون موقتک یوز طقسان
التجی مدهسی موجبنه محکمه استیناف ولایتندن
لدی الحاجه تحقیقات اجراسنه مأمور ایدیله جک
مستنطقلرک نصل مهر استعمال ایده جکلری بعض
طرفندن استفسار اولمش و مستنطقلکه مخصوص
مهرک حک و اعماثه قدر بونلر طرفندن تنظیم
واعطا اولنه جق اوراقل شمدیلک مهر ذاتیلر یله
تختیم اولمش لازم کلهرک بو بایده اقتضا ایدن
محلره اشعار کیفیت ایدلش اولقله نزدنده بولندیغز
محکمه جده دخی اولوجهله ایقای معامله اولمش
اقتضا ایده جکی بیایله شقه محی ترقیم قلندی

(فی ۸ ربیع الآخره سنه ۹۶ تاریخیه محکمه)
(تمیز حقوقی دائره سندن ویریلان اعلامک)
(صورتیدر)

محکمه استیناف حقوقی سندن تنظیم واعطا قلنان
فی ۲۵ محرم سنه ۹۵ تاریخلی اعلامک تمیزینی
مستدعی متوفی قسطاکی اوطنیونک همشیره لری
قدینقو ومار بوره ایله وارثلری یورکی ونیقوله والی
وصوفیه نک وکیلی غلطده تونل خاننده زردبان
زقاعنده ساکن یورغاک اوستولیدی امضالی تقدیم
اولان عرضخال اوراق متفرعه سبیله برابر محکمه
تمیز حقوقی دائره سنه حواله قلنقله قرائت
ومطالعہ اولدی

مذکور اعلام مندر جائسه نظراً متوفای مرقوم
قسطاکی ورثه سبیله مرقومتان قدینقو ومار بوره
طراییه ده ساکن ابقال بانی ذیو پلودن مقدماستفراض
اولنان اونوز بشبیک غروشه مقابل ترهین ایدلش
اولان محل مذکورده کائن ملکری نک بدل ایجارندن
شمدی به قدر مرقوم بانی اقراض ایدیلکی مباد
مزبوره نک فائض نظام سندن زیاده افچه آلمش
اولدیغندن بحثله محاسب لری نک روئیله ظهور ایده جک
مطلوبلرینک مع فائض استیفاسنی و ملک مزبور
طرفلرینه ردینی بک اوغلی مزکز بدایت محکمه سی
حقوقی دائره سنجه طلب ودعوی ایدوب مدعی علی
بانی دخی مبالغ مزبوره مقابلنده کندوسنه برقطه
منزل عرصه سی ترهین ایدیلکی کی برسه ظرفنده
فائضیه برابر ایقای دین اولندیغی حالده عرصه
مزبوره بی اعاده ایتک و بوزه مدکلری تقدیره
استرداده صلاحیت قالماق مشروط اولدیغی ووقف
معینده تسویه دین ایدیلکی جهته کندوسی

عرصه مذکورده بی تمک واوزرینه بر باب اخشاب بقال
دکانی انشا ایتش و مجله نک کتاب الاجارسی
احکام بنجه مدعیلرک عرصه مذکورده بی استرداده
ودکانک کراسنی طلبه حقلری اوله میده جغی طبیعی
بولمش اولدیغی و فقط مذکور دکانک لدی الکشف
تیین ایده جک مصارفله اقراض اولنان مبالغ فائضیه
تأدیه اولندیغی صورتده ترک اولنه جغی بیان وافاده
ومتوفای مرقوم قسطاکی ایله مرقومتان مار بوره
وقدینقو طرفلرندن اونوز بش بیک غروش بدل
مقابلنده برقطعه منهدم ملک منزل عرصه سنک
مرقوم بانی به تملیک اولندیغی حاوی برقطعه حجت
ایله مبلغ مزبور تأدیه اولندیغی حالده اعانه ایدلمک
اوزره بر باب منزل ویرانه سنک مرقومه باحجت بیع
ایدیلکی عبارتنی شامل تنظیم واعطا قلمش اولان
وزیرنده دزت سنک فائض اندیغی مرقم بولنان
سندی اراز واره ایتسی اوزرینه مدعیلر حجت
مذکورده عرصه کوستراسی عتیق حجت بایله رق
تنظیم اولمشندن نشأت ایتش و مؤخرأ طرفلرندن
ایله انشا اولندیغی حالده درج ایدلماش ایدوکنی
ومار الذکر سنک حکمی اولمایوب مذکور دکانی
یکرمی درت سنه مقدم متوفای مرقوم قسطاکی
یایدیغی و بونی اقامه شهود ایله اثباته مقتدر
بولندیقلرینی بالبیان اثبات مدعا ضمیمه مرقوم بانینک
امضاسیله ممضی اولوب مذکور عرصه نک اقراض
ایدیلکی مبالغ تأمین ایچون مواضعه عهده سنه
کچمش اولدیغی و مبالغ مزبور تأدیه اولندیغی حالده
صاحب لری نه اعاده اولنه جغی مبین برقطعه سندی
صورتیه آیا یورکی کلباسی مهرینی و چند نفر
کسانک امضاسنی حاوی و منازع فیه اولان دکانک
طرفلرندن یایدیغی مشعر برقطعه شهادتنامه اراز
ایدلرک هر قدر سند مذکورده عرصه یازلمش ایدیه

بوسند اراز اولنان حجتیه نظراً یایدیغی جهته
اول صورتله تحریر و املا قلمش اولوب یوخسه
حجت وسندک تنظیمنده ایله موجود ایدوکنی ومدعی
علیه ایسه طرفندن انشا ایدیلکی ادعا سنده بولندیغی
جهته ایله مذکورده بی کندوسنک یامش اولدیغنه
دائر تحلیفی طلب وتکلیف ایتش ایسه لده سالف
الذکر مواضعه سنیدله حجتده منزل عرصه سی دیو
واقع اولان صراحتندن مبلغ مزبور مقابلنده مدعی
علیه عهده سنه یالکز عرصه فراغ اولندیغی ثابت
اولدیغندن مدعیلرک حکم سند و حجتیه قارشو حین
فراغده ایله موجود اولدیغی ادعا ایله ایله ایله
مدعی علیه انشا ایدیلکنه دائر یمین تکلیفنه صلاحیتی
اولادیغی کی مذکور عرصه معد الاستقلال
اولادیغی جهته کرا طلبنه دخی حقلری اولادیغنه
و فقط استقراض ایدکلری مبالغی مع فائض ادا
ایدکلری حالده صرف عرصه بی استرداده صلاحیتی
اوله ییله جکته قرار ویرلدیکی کی اشبو قراری مدعیلر
عدم قبول ایله استیناف دعوی و عندالمحاکه مذکور
عرصه اوزرنده مرقوم بانی به بیع اولمزدن مقدم
ایکی مغازه ایله بر باب دکان مینی اولوب حتی مذکور
دکانک شمدیکی هیئتنده اولدیغی حالده مرقومه
ایجار اولندیغی و بوضورتی شهود معتبره ایله اثباته
مقدر اولدیقلرینی افاده و انبا ایتلری اوزرینه محکمه
استیناف حقوقی قسم بنجه طرفینک محاکمه لری اجرا
قلندیقدن وسالف الذکر حجت شرعیه ایله مواضعه
سندی نظرتدقیق ومطالعده دن کچورلد کند نصره آنف
البیان دکانک ادعاری وجهله مرقوم بانی به هیئت
حاضره سبیله ایجار اولندیغی نه ایله اثبات ایده جکلری
مستأنفلرندن لدی السؤال اولبایده بری ۱۲ مایس
سنه ۹۳ تاریخیه مورخ وطراییه قریه سی سکنه سندن
میخالاسی واطاخو و یانقو لاغوا امضالی یله ممضی
ودیکر ایکی قطعه سندن بری ۲۵ نیشان سنه ۹۳

تاریخی واون ایکی امضالی و دیگر ۲۲ مایس سنه ۹۳ تاریخ وسکن امضالی قریبه مذکورہ قایقچی اصناف و مختارینک مهرلرینی شامل اولوب هر برینک نتیجه مالی عرصه مذکورہ اوزرنده مبنی بولمان مغازه نك متوفای مرقوم قسطاکی او طونیو و همشیرلری مرقومنان قدینقو و مار یوره جانندن انشا ایدیلوب مرقوم یانی به فراغ اولمزدن مقدم ایجار ایله و رادیکتی اخبارو میاننی حاوی اوچ قطعه شهادتنامه ابراز ایلش و بونلرده امضالی بولنان کسان دخی جلب ایله طرفین وکیللری حاضر اولدیغی حالده استشهاد اولمش ایسه و واقعه اولان شهادتلری مستأفلاک ادعای موجبجه قرار محکمه به مطابق کور یله مدیکی جهته لقبول اوانه مدیغی کبی محل نزاع فیهک ابنیه موجوده سی قاچ سنه لک اولدیغک و تاریخ انشالرنده کورک مذکور دکانک بالکز عرصه سی و کورک اوزرنده بولنان ابنیه ایله برابر قاچ غروش قیملری اولدیغی باتذکره طرایه دائره بلدیهدن لدی الاستفسار جواباً وارد اولان راپورطوده دخی بالجله طرایه اهاالیسنک مذکور بقال دکانی ایله عرصه و علاولک متوفای مرقوم قسطاکی او طونیو طرفندن انشا اولمدیغی و مرقومک مالی اولوب یانی زیو پولونک دکان و عرصه و ساره ده ذره قدر حتی اولمادیغی و متوفای مرقوم ایله حال حیاتیته یایلرنده وقوع بولان استغلالدن صکره مرقوم یانی دکان مذکورده بالکز مستأجرأ اقامت ایتمکده اولدیغی حقیقه کی اخبارلری اشعار اولنوب سؤاله جواب ویرلماش ایدوکندن و حالبوکه متوفای مرقوم قسطی او طونیو صاعلنده مرقومنان قدینقو و مار یوره ایله مستأنف علیه یانی به بروجه محرر و فاء بیع و تسلیم ایتدکلری شینک عرصه اولدیغی اقرار ایتش و اقرارلری سالف الذکر حجت شرعییه ربط اولمش اولدیغی مثلاً مؤخرأ

مرقوم یانی به اعطا ایلدکلری سندلرنده دخی براب خانه مزک ویرانه سی یانی به باجحت انتقال ایتدیردک دیومنازع فیله اولان دکانک ویرانه اولدیغی اقرار ایلش و عرصه لفظنک وضعاً و استعمالاً ابنیه دن خالی یه اطلاق و ویرانه نك دخی ابنیه سی محترق اولش برده استعمالی شایع بولمش اولدیغندن مرقوم قسطی ایله مرقومنان قدینقو و مار یوره نك مرقوم یانی به ابنیه دن خالی صرف عرصه تسلیم ایتدکلرینه دائر بروجه محرر اقرارلری مستأفلاک تحت تصدیقنده اولدیغی حالده شمندی حین بیع و تسلیمه ابنیه حاضر نك موجود اوله رق کندولرینک ملکی اولدیغی دعواسنده بولمکلری یکدیگره مناقض اولدیغندن مارالذکر دکانک ابنیه حاضر سنه حین بیع و تسلیمه موجود اولدیغنه شهادت ثابت اولان برشینک خلافتی اثبات قیلندن اولمسیله اولباده اولان مذکور راپورطولرک حکمی اوله یوب فقط مرقوم یانینک مذکور دکانی بروجه مشروح استیجار ایتدیگی ثابت اولش اولسه ایدی ابنیه حاضره کندوسنک اولمادیغی اقرار ایتش اولوب بوجهته تناقض مرتفع اوله جق ایسه ده برمنوال محرر بوراسی دخی ثابت اوله مدیغندن مستأفلاک رد اعتراضایله درجه اولی اعلامی حکمک تصدیق قلندیغی اکلشلمشدر دعوت واقعه اوزرنه مستدعی تمیز متوفای مرقوم قسطاکی او طونیونک همشیرلری مرقومنان قدینقو و مار یوره ایله وارنلری یورکی و نیقوله والی و صوفیه طرفلرندن باسند مصدق یورغاک ایلستولیدی اقمندی وکانه و مدعی علیه بقال یانی اصالة کلش اولدقلرندن اوراق مذکورہ مواجهه لنده قرائت و کندولری استجواب اولندی مدعیلر وکیل موئی الیه ایلستولیدی اقمندینک تحریرا وشفاهها واقع والی ماده دن عبارت اولان اعتراضاتک

برنجیسی محکمه استینافی رئیسی فضیلتلو رؤف اقمندی خصوص مذکورک بدایه رؤیتی ائنده بک اوغلی حقوق دائره سنده اعضا اولق حسبله اعطای رأی ایلش اولدیغی حالده استینافا دخی رأی ویرمسی جائز اولوب بو بایده طرفیندن طلب و تکلیف واقع اولمسیله اقمندی موئی الیهک محکمه استینافیه ده رأیه داخله و اشترک ایتامسی لزومی درکار و رئیس موئی الیهک استیناسی تقدیرنده هیئت استینافیه نك نظاما تشکیلی ممکن اوله میه جفته بنه اعلام مذکورک کأن لم یکن حکمنده اوله جغی امر آشکار ایدوکی ثابیا محکمه استینافیه جهه منازع فیله اولان مذکور دکانک مرقوم یانی عهد سنه بطریق الوفا اتقانندن مقدم شمیدی هیننده اولوب اولمادیغنک و بیک سکن یوز التمش سنه میلادیهدن اول مرقوم یانینک مغازلرده مستأجر صفتیله اقامت ایدوب ایتدیکنک اقامه شهود ایله اثباتی موکلرندن طلب اولمسیله دکان مذکورک حین انشاستده استخدام اولمش اولان واطاخو و لاغو نام کسنه لک شهادت تحریریه و شفاهیه لریله و طرایه دائره بلدیهدنک بر قطعه رسمی راپورطوسبله اثبات مدعا اولمش و کندولرینه حجت مذکورہ مالی خلافتنه بو یولده اثبات مدعا ایتک صلاحیتی محکمه مذکورہ جانبندن ویرلش ایکن مؤخرأ حجت مذکورده ویرانه کله سی محرر اولسی بیک سکن یوز التمش سنه سنده موکللری طرفندن مرقوم یانی به بالکز ویرانه تسلیم اولمادیغی اقرار دیمک اولدیغنه حکم وقرار ویرلمسی تناقض دیمک اولدیغی و قصور درت ماده اعتراضیه دخی مذکور راپورطو مندرجاتی علیهته مدعی علیه طرفندن برکونه اعتراض واقع اولمادیغی حالده محکمه مذکورجه نظر اعتبار واهمیته التمادیغی کبی ما آنک دخی اعلام استینافی به درج ایدلماش و مذکور راپورطونک اولنان اسثله به

نه جهته جواب کافی اولمادیغی اسبابنک تصریح اولمماشی اصول محکمه تجارتک اوتوز طقوزنجی و قرقچی ماده لرینه مغایر بولمادیغی واقامه اولنان شاهدلرک افاده لری ادعایینک اثباتنه غیر کافی بولمادیغی حالده بونک موکلرینه تفهیمه صور ساره ایله اثبات مدعا به مقتدر اولوب اولمادقلرینک سؤوال ایدلمسی لازم کلور ایکن بو رالردن دخی صرف نظر قلمسی اصول و نظامه مخالف ایدوکی اعلام استینافینک نقضی لزومی باندن عبارتدر مدعی علیه بقال یانینک نتیجه جوانی دخی وکیل موئی الیهک برنجی اعتراضی محکمه استینافیه ده محاکمه کی کیریشلردن اول ایراد و درمیان اولتمق لازم کلور ایکن اولوقت سکوت اولمادیغی جهته اصول محاکمه نك یوز بکرمی دردنچی و مجله نك التمش التی و التمش یدنجی ماده لری حکمجه بو بایده کی حق شکایت ساقط اولدیغی جهته سموع اوله میه جغی واقامه اولنان شاهدلرک عدم قبولی دعویاه مطابق ادای شهادت ایدوکلرندن ایلرو کلوب چونکه مدعیلرک کندوسنه بیع و تسلیم ایتدکلری شینک عرصه اولدیغی اقرارلرینه مستند و بو اقرارلرینه حجت شرعییه مربوط و کندولرینک تحت تصدیقنده اولدیغی حالده مؤخرأ بونک عکسی اوله رق کندوسنه حین بیع و تسلیمه ابنیه حاضر نك موجود بولمادیغی حقیقه بر ادعا به قیام ایتک هر حالده شایان استماع و اعتبار اولمیه جغی درکار و مواد ساره اعتراضیه دخی قانوناً اعلام استینافینک نقضنه مدار اولور اسبابدن اولمادیغی بیدار ایدوکنندن تمیز استدعا سنک ردیله اعلام مجبوت تصدیق طلبی محتوبدر ایجاب کیفیت لدی المذاکره مستدعیلر وکیل موئی الیه یورغاک ایلستولیدی اقمندینک اعتراضات تحریریه و شفاهیه سنندن برنجیسی محکمه استینافی

رئیس رؤف افندی بواشك بدایه حین رؤینده
بك اوغلی حقوق دائره سنده اعضا اولق حسبله
اعطای رأی ابتدیی جهته استینافاً تدقیقنده
رأین خارج دورسی اقتضا ایدر ایکن محكمه
استینافیه ده دخی رأیه اشترك ایتمسی مغایر اصول
اولدیغی قضیه سی اولوب انجق هیئت محكمه نك
صورت تشکیلیجه اصول محاکمه یه مغایر اولان بویکی
اصول حقنده درمیان اولنه جق ادعاك هر کونه
مخاصمه و مجاوبه دن اول ایراد اولتمسی لازم کلوب
وقتیله ایراد اولمادیغی تقدیرده حق شکایتك ساقط
اوله جغی اصول محاکمه نظامنامه سنك جمله
مندرجاتندن بولتمش و محكمه استینافیه جه سبق ایندن
محاکمه ده ایسه مومی الیه رؤف افندیك اسباب
مسرووده دن ناشی دعواى واقعه نك محاکمه سندن
ردی لازم کله چکی بولنده مستدعیلر جانبدار
برکونه ادعا و طلب وقوع بولموش اولدیغندن اعتراض
مذکور شایان قبول و اعتبار اوله بیوب انجق وکیل
مومی الیهك محكمه مذکورجه موکلارینك اقامه
ایلدییکی شاهدك شهادتی دعوایه مطابق اولمادیغی
بیانیله رد ایدلکدن صکره بشقه شاهد اقامه سنه
ویا صور سائرله ایله اثبات مدعیله مقتدر اولوب
اولمادیغنك سوال و مذکور راپورطونك محكمه دن
ایدیلان سوالره نه جهته جواب کافی اولمادیغی
اسبانك ایضاح ایلمامسی اصول محاکمه یه مخالف
اولدیغنه مندر اولان اعتراضاتنه کلنجه فی الواقع
اعلام استینافینك مطالعه سندن اکلاشلدیغی اوزره
محكمه استینافیه جه مستأنف صفتنده بولنسا
مستدعیلرک منازع فیه اولان دکانی شمیدیکی هیئتمنده
مرقوم یانینك کندولرندن استیجار ایتمش اولدیغی
اقامه شهود ایله اثبات ایتملرینه قرار ویریاوب
اولوجهله اقامه اولنان شاهدلر دخی استماع اولتمش
اولدیغی حالده اعلام مجبوت عنیهك حکم بولنده

شهود مرقومونك دعوایه مطابق ادای شهادت
ایده مدکلری کوستر بیلرک رد اولتمش اولوب انجق
شهود مرقومه نك شهادت واقعه لری دعوایه
مطابق اولمادیغی و بناء علیه درجه کفایه ده
کورلمادیکی صورتده مستدعیلردن بشقه شاهدلری
اولوب اولمادیغی ویا صور سائرله ایله اثبات مدعا
ایدوب ایده مبه چکلری سوال اولتمق و دیگر صورتله
اثبات مدعان اظهار عجزلری اکلاشلدیغی تقدیرده
اقتضای نظامسی اجرا قلمق اصولا مقتضی اولدیغی
حالده محكمه استینافیه جه بورالری نظر تدقیقه
التمسین و شهود مرقومونك شهادتلرینك نه
جهته دعوایه مطابق و کافی اولمادیغنك علل قانونیه
واسباب موجب سی بیان و ایضاح قلمقسزین کیفیتك
تحت مذاکره الیهرق برمنوال محرر حکم و اعلام
ورلمسی و برده شهود مرقومه نك بروجسه محرر
شهادتلرینك عدم کفایتی اوزرینه استیضاح ماده
ضمننده یازیلان تذکره یه جواباً طریبه دائره بلدیه
سندن وارد اولان مذکور راپورطو هر نقدر طرفین
وکیللری مواجهه سنده قرائت اولتمش ایسه ده
بونك اوزرینه برکرده وکیلان مومی الیهمانك
استیجوابی اقتضای مصلحتندن ایکن قسم مذکورجه
بودقایقه دخی رعایت ایلمامسی بولمسی و اصول
محاکمه یه مغایر اولدیغنه بناء مستدعیلر وکیلنك
اعتراضات مذکور سی بولنده اولسبله نظامنامه
داخلینك ایکنجی ماده سنه توفیقاً اعلام استینافی
نقض ایلمش و شو حالده وکیل مومی الیهك اعتراضات
سائر سنك تدقیقنه محل قالموش اولدیغندن اعلام
مذکورک کیفیت منقوضیتی نظامنامه مزبورك التمش
طقوزنجی ماده سی منطوقجه قیدی بالاسنه شرح
ورلدکدن صکره مصلحتك اصول و نظامنه توفیه
برمنوال محرر رؤیت و تدقیق ضمننده محكمه استینافی
حقوق قسمنه حواله سنه و اعلام و صورت و تبلیغ

خرج کلری اولق وایلروده حقسز چیقجه جق طرفه
رجوع ایتمك اوزره ایجاب ایدن سکر عدد بیاض
مجیدینك خسی اولان اوتوز ایکی غروش ایچون
یوز یکر می سکر غروشك قائمه و قصوری بولنان یوز
یکر می سکر غروشك دخی مجیدی اولهرق اول امرده
مستدعیلردن اتمسنه ۸ ربیع الاخره سنه ۹۶ تاریخنده
متفقاً قرار ویریلرک طرفینه تفهیم قلمدی

(محكمه تمیز جزا دائره سندن فی ۸ محرم سنه)
(۹۷ وفی ۱۰ کانون اول سنه ۹۵ تاریخی)
(ویریلان اعلامك صورتیدر)

ازمیرده مقیم تجاردن شاملی حاجی حسنك پوسته
خانبدن مکتوبی اخذ وفك ایله دروننده بولنسا
اوردینونك حاوی اولدیغی اون لیرانی الوب صرف
واستهلاك ایتمش اولان احد افندی زاده محمود ایله
قبر یسلی حاجی احد حقلمنده اجرا قلمان محاکمات
و مجازاتی حاوی اولوب آیدین ولایتندن فی ۱۰
ذی القعده سنه ۲۹۵ وفی ۲۵ تشرین اول سنه
۲۹۴ تاریخی ویتمش سکر نومرولی تحریرات ایله
کوندریلان محكمه استینافی ولایتندن مذیل ازمیر
سنجانی بدایت محكمه سی مضبطه سی واوراق
مفرعه سی محكمه تمیز جزا دائره سننده مطالعه
قلمدی

مألرینه نظراً مرقومان محمود و حاجی احد بری
پدرندن و دیگرى دخی اقر باسندن کلان مکتوبلری
تحریر ایتمك اوزره اوستریا پوسته خانه سنه برلکده
کیدوب مکتوب تحریر ایتمکده ایکن مرقوم حاجی
حسن اسمنه کلش اولان برقطعه مکتوبی کوروب
المش و اجد قلمنده بر اور دینو ظهور ایتمسبله بونك
حاوی اولدیغی اون لیرانی قاعده سی وجهله پوسته

خانه دن تحصیل ایلمش اولدق لری ادعا اولتمسی اوزرینه
مرقومان استنطاق اولمدا قلمنده مرقوم حاجی احد
قضیه ده مدخلی انکار ایتمش ایسه ده محمود ذکر
اولنان مکتوبی حاجی احدله برلکده پوسته خانه دن
الوب کیدرلر ایکن احدك تکلیفی اوزرینه مکتوبی
آچهرق دروننده بولنان مذکور اوردینونك حاوی
(بقیه سی صکره)

(اعلان)

سعادتلو رفعت افندیك سعادتلو رستم پاشایه
محکوم بولندیغی دینی ایچون مومی الیه رفعت افندیك
مزاده ویریلان املاکندن صلحه طمر قده قره غولك
ارقه سنده یوز اون سکر نومرولی ایکی باب یهود
خانه ایله یوز یکر می ایکی نومرولی دیگر بر باب خانه
وتختنده یوز یکر می سکر نومرولی دکان درت یوز
لیرا وایوبده قیممقچیلر جاده سنده الی درت نومرولی
بر باب کبابچی دکانی ایکیوز بتمش بش لیرا ولتمقده
امر اخور جاده سنده یکر می طقوز نومرولی بر باب
بوستان یوز سکسان لیرا وینه مذکور بوستانه متصل
۳۱ و ۳۳ و ۳۵ و ۳۷ و ۳۹ نومرولیه مرقم
بش باب دکان یوز اون لیرا بدل ایله طالبلری عهده -
سنده تقرر ایتمش اولدیغندن زیاده یه طالب اولنلرک
تاریخ اعلاندن اوتوز بر کونه قدر در سعادت
مرکز اجرا مأموریتنه مراجعت ایلملری اعلان
اولنور

دولت علیه تبعه سندن اولوب بولدن اقدم غیبوتله
شخصی بولنه میان و محل اقامتی معلوم اولمیان دیمتری
ولد یا قوا یله یکنی خرستو قره چوپلو علیه نه بارسام
اوغلی صراف ارتین طرفندن اقامه اولنان دعوی
محكمه دیوانخانه سنه تعلیق اولنان دعوتیه ورقه سنده

قوری یشی اصنافندن محمد علی افانک متوقی
محمد صالح افندی به با اعلام محکوم به دینی بولان
مبالغ معلومه نك تأمین استیفاسی ضمنده مرهون
وفروختی محکوم بولنان زندان قیوسی خارجنده
قوری یشی بیلر زقاغنده اوچ بول اغرنده اون درت
نومرولی برباب قوری یشی دکانک یوز بکرمی سهم
اعتباریله متصرف اولدیغی بکرمی ایکی بچق سهمی
اعلامات شرعییه ودرسعادت بدایت محکمه سی اجرا
مأموریتی دائره سندن فروخت اولنه جغی اعلان
اولنور

محاکمات حقوقیه وجزاییه وتشکیل محاکم واعلاماتک
صورت اجراسی قانونلریله خرج تعرفه سی مؤخرا
تقررایدن تعدیلاتلریله برابر بوکره یکیدن مطبعه
عامرده دقت گاهله ایله بالتصحیح طبع اولنه ورق
منحصرا عدلییه اوازم مأموریننده وسلطان محمود
تربیه سی زندنده معارف کتبخانه سیله صحاف چارشوسنده
میری دکاننده فییات سابقه سیله صاتمقدمه در

مقدم لایحه صورتیله طبع اولنوب مؤخرا ابطال
ومحو اولانلردن الدهه قالمشلی غرنه موزعلری وفرائت
خانه جی وسائر اله کچوب صاتمقدمه اولدقلری
استماع اولندیغندن مطبعه عامرده باصدیریلان
اصل مصححی لاجل التأمین بالاده محرر محلالده
صاتمقدمه اولدیغی اخطار اولنور

محرر شهر کانون ثانینک اون ایکنجی جمعه ایرتسی
کونی عدلییه برنجی حقوق دائره سنده رویت اولنه -
جغندن مر قومانک یا بالذات کلیری ویاخود طرفلر -
ندن مصدق سندله بروکیل کوندرملری اخطارینه
ایکنجی دفعه اوله ورق ابتدار قلندی

احمد ندیم افندی نك محمود رفعت افندی به با اعلام
محکوم به دینی بولنان مبالغ معلومه نك تسویه سی
ضمنده مدیونک عهده تصرفنده بولنان وزنه -
جیلرده کامل پاشا حضرتلرینک قوناغی انصالنده
عتیق اوتوجی وجدید برباب مر انقوز دکانک نصف
حصه سی لدی المزایده اوتوز لیرا بدل ایله طالی
عهده مننده تقرر اتمکله بوندن زیاده یه طالب اولنلر
اعلامات شرعییه مأموریت اجرائیه سی ودرسعادت
بدایت محکمه سی اجرا مأموریتی دائره سنده مراجعت
ایتلری اعلان اولنور

عائشه صدیقه خانمک ارمونیه قادین ذمتنده ۷۲۳
نومرولی اعلام موجبجه مطلوبی اولان مبالغ
معلومه مقابلنده مرهون اولان بشکطاشده یکی
محلده اخلامور جاده سنده ۶۱ نومرولی درت
اوطه و برصفه و برطبخ و بر بئر مائی مشتل برباب
اخشاب خانه نك فروختیله تسویه دین ایدلسی مقرر
بولندیغندن تاریخ اعلاندن اعتبارا اون بش کون
صکره بالمزایده صاتیله جغی بک اوغلی بدایت
محکمه سی اجرا مأموریتی طرفندن اعلان اولنور